

ADDENDA AO CONVENIO INTERADMINISTRATIVO DE COOPERACIÓN ENTRE A DEPUTACIÓN PROVINCIAL DE LUGO E O CONCELLO DE LUGO PARA COOPERAR NO FINANCIAMENTO DOS GASTOS DERIVADOS DA EXECUCIÓN DAS ACTUACIÓNS “MERCADO DO NADAL E APERTURA DO NOVO AUDITORIO MUNICIPAL” ANO 2024,

[APROBADA POR ACORDO DA XUNTA DE GOBERNO DE DATA 28 DE MARZO DE 2025]

(Asinado dixitalmente na data que consta no pe de páxina)

REUNIDOS

Dunha parte, don José Tomé Roca, Presidente da Deputación Provincial de Lugo, con N.I.F P-27000001 e sede social en Lugo, rúa San Marcos 8, 27001 actuando en nome e representación da citada entidade, segundo dispón o artigo 34 b) da Lei 7/85, reguladora das Bases de Réxime Local.

E doutra don Miguel Fernández Méndez, Alcalde do concello de Lugo, con N.I.F P2702800J e sede social na Praza Maior, 1, CP 27001, Lugo, actuando en nome e representación da citada entidade de acordo co disposto no art. 21.1 da Lei 7/1985, de 2 de abril, reguladora das bases do réxime local.

Ante don José Antonio Mourelle Cillero, Secretario Xeral da Deputación Provincial de Lugo, en exercicio das funcións que lle son propias de acordo coa normativa de aplicación.

Ambas as partes recoñécense mutuamente capacidade xurídica e representación necesaria para obrigarse nos termos da presente addenda e a tal efecto,

MANIFESTAN

PRIMEIRO: A Xunta de Goberno, en sesión ordinaria celebrada o 31 de outubro de 2024, acordou aprobar o texto do convenio interadministrativo de cooperación entre a Deputación Provincial de Lugo e o concello de Lugo para cooperar no financiamento dos gastos derivados da execución das actuacións “mercado do nadal e apertura do novo auditorio municipal” ano 2024 por importe total de 122.815,00 € e o gasto, en concepto de achega económica, por parte da Deputación, por importe de 80.000,00 € para o financiamento dos fins e actuacións contempladas no convenio, con cargo a aplicación orzamentaria 9420.46200 do Orzamento Xeral do ano 2024.

SEGUNDO: O convenio interadministrativo de cooperación entre a Deputación Provincial de Lugo e o concello de Lugo para cooperar no financiamento dos gastos derivados da execución das actuacións “mercado do nadal e apertura do novo auditorio municipal” ano 2024, formalizouse o 5 de decembro de 2024.

TERCEIRO: O alcalde do concello de Lugo remitiu, o 17 de marzo de 2025 (2025RT004378), escrito no que literalmente se establece o seguinte:

“Tendo en conta que o Concello de Lugo aínda non incorporou os créditos que amparan os compromisos de gasto do exercicio anterior (2024) do referido Convenio, tal e como establece o Real Decreto 500/1990, polo que se desenvolve o Capítulo Primeiro do Título sexto da Lei reguladora das Facendas Locais, en materia de Presupostos, para proceder ao aboamento das facturas comprensivas da conta xustificativa,

É polo que,

	IV7SSXYL3LW3ZWW26YWSDYREAE		Fecha y Hora	02/04/2025 12:36:34	
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.				
Firmado por	JOSE ANTONIO MOURELLE CILLERO				
Firmado por	MIGUEL FERNÁNDEZ MÉNDEZ				
Firmado por	JOSE TOME ROCA (Presidente Da Deputación de Lugo)				
Url de verificación	https://etramite.deputacionlugo.org/verifirma-lugo/code/IV7SSXYL3LW3ZWW26YWSDYREAE		Página	1/3	

SOLICITASE:

Unha ampliación no prazo de presentación da conta xustificativa dos gastos do anterior Convenio, coa data límite do 30 de abril de 2025."

CUARTO: O límite máximo de ampliación do prazo de xustificación, en base ao establecido na cláusula quinta, abarcaría ata o 15 de maio de 2025.

En virtude do sinalado anteriormente, todos os representantes recoñécense a capacidade xurídica suficiente e subscriben, en nome das entidades ás que representan, a presente addenda, guiados exclusivamente por consideracións de interese público, de conformidade coas seguintes:

CLÁUSULAS

PRIMEIRA.- As partes acordan modificar a cláusula quinta do convenio formalizado o 5 de decembro de 2024, que quedaría redactada no seguinte senso:

QUINTA.- Réxime económico.

"A) ACHEGAS:

1.- Achega da Deputación:

A Deputación de Lugo efectuará unha achega de 80.000,00 € con cargo á aplicación orzamentaria 9420.46200 do Orzamento Xeral da Deputación de Lugo da anualidade 2024 para cubrir os gastos que se deriven da execución do obxecto deste convenio.

2.-Achega do Concello:

O Concello de Lugo efectuará unha achega de 42.815,00 €e financiará o importe que reste e sexa necesario para cubrir os gastos que se deriven da execución do obxecto deste convenio.

B) TITULARIDADE DO RESULTADO DA COOPERACIÓN:

O resultado da cooperación será de titularidade compartida posto que os efectos a nivel cultural, turístico e económico ou social son comúns e beneficiarán directamente aos veciños e veciñas da provincia de Lugo.

C) XUSTIFICACIÓN DA ACHEGA ECONÓMICA.

O prazo previsto para que dende o concello de Lugo se aporte a conta xustificativa dos gastos enmarcados dentro deste convenio abarca ata o 15 de maio de 2025

A conta xustificativa a aportar debe ter o seguinte contido:

- Memoria de actuacións realizadas.

- Certificación expedida polo Secretario/Interventor do Concello na que se recolla:

a) A relación clasificada de gastos da actuación obxecto deste convenio, con identificación do acredor e do documento, o seu importe, a data de emisión, a data pagamento e a descrición do gasto.

	IV7SSXYL3LW3ZWW26YWSDYREAE	Fecha y Hora	02/04/2025 12:36:34
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
Firmado por	JOSE ANTONIO MOURELLE CILLERO		
Firmado por	MIGUEL FERNÁNDEZ MÉNDEZ		
Firmado por	JOSE TOME ROCA (Presidente Da Deputación de Lugo)		
Url de verificación	https://etramite.deputacionlugo.org/verifirma-lugo/code/IV7SSXYL3LW3ZWW26YWSDYREAE	Página	2/3



b) O custo total da actuación desenvolva e os importes do financiamento, acreditando que a relación de gastos da actuación atópase executada, as obrigas recoñecidas ou liquidadas polo órgano competente e pagadas.

c) Que a actuación foi realizada na súa totalidade co cumprimento das condicións estipuladas neste convenio.

d) As subvencións ou axudas obtidas doutras administracións públicas ou entidades públicas ou privadas para o mesmo obxecto contemplado neste convenio de cooperación, con indicación do seu importe e procedencia ou, no seu caso, declaración de non ter outras subvencións ou axudas obtidas doutras administracións públicas ou entidades públicas ou privadas para o mesmo obxecto contemplado neste convenio de cooperación.

e) Que en tódalas actuacións e soportes que se utilizaron para a execución da actuación obxecto deste convenio se fixo constar a cooperación da Deputación Provincial de Lugo.

(o modelo de certificación será facilitado polo centro xestor do convenio)

-Declaración responsable emitida pola representante do Concello na que se recolla:

1. Que o Concello asumiu o custo do "Imposto sobre o valor engadido (IVE)", por non ter a posibilidade de compensalo ou recuperalo. Ou ben, indicando que o concello non asume o custo do IVE por ter a posibilidade de compensalo ou recuperalo.

2. Que o concello se atopa ao corrente no cumprimento das súas obrigas tributarias e fronte á seguridade social.

3. Que o Concello non é debedor por resolución de procedencia de reintegro, é dicir, que non ten pendente de ingreso no Tesouro Público ningunha reclamación de débeda derivada dunha resolución de reintegro de axuda pública.

(o modelo de declaración responsable será facilitado polo centro xestor do convenio)

- Documento emitido pola entidade bancaria, no que se indique o número da conta na que se procederá, no seu caso, ao abono do gasto xustificado.

Dende a Deputación poderá requirirse documentación adicional para corroborar a correcta execución do obxecto do convenio.

Unha vez aprobada a conta xustificativa polo Organismo Provincial, este procederá ao aboamento da cantidade que resulte fiscalizada favorablemente."

SEGUNDA. As cláusulas restantes do convenio de referencia, en tanto non queden afectadas por esta modificación, permanecerán invariables.

Ambas partes acordan incorporar ao convenio, suscrito con data 5 de decembro de 2024, esta addenda a cal se rexerá polas condicións estipuladas no convenio do que trae causa, formando parte integrante do mesmo.

E en proba de conformidade cos termos expostos, as partes asinan a presente addenda, do que como secretario dou fe.

O PRESIDENTE, Asinado: José Tomé Roca

O ALCALDE DO CONCELLO DE LUGO, Asinado: Miguel Fernández Méndez

O SECRETARIO XERAL, Asinado, José Antonio Mourelle Cillero

	IV7SSXYL3LW3ZWW26YWSDYREAE	Fecha y Hora	02/04/2025 12:36:34
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
Firmado por	JOSE ANTONIO MOURELLE CILLERO		
Firmado por	MIGUEL FERNÁNDEZ MÉNDEZ		
Firmado por	JOSE TOME ROCA (Presidente Da Deputación de Lugo)		
Url de verificación	https://etramite.deputacionlugo.org/verifirma-lugo/code/IV7SSXYL3LW3ZWW26YWSDYREAE	Página	3/3

